



Fröhjohr

Blot rut nu in de Fröhjohrssünn!
Dorna steiht mi nu recht de Sinn!

Nu will ik gau mien Frünnen anropen.
Wi köönt nu buten Rullschoh lopen.

Nu köönt wi all de dicken Jacken
ünnen in dat Schapp rinpacken!

Ik bölk mien Freud blot buten rut.
De Naversch seggt, ik bün to luut!

De is Snee is weg – nu singt de Vageln.
Ik will ok gor nich mehr to'n Rodeln.

Dat mutt se inseh'n – nu doch graad!
Ik bün so froh un ok so waak!



Ik heff so töövt,
dat is doch kloor!

Nu is dat dor –
dat nie'e

Fröhjohr!